

ANDREÆ NICANORIS

Ad Epistolam

CYRIACI THRASYMACHI,

De

JUSTITIA ARMORUM SVEVICORVM

In

POLONOS.

perq; ea

Liberata

magno periculo

GERMANIA

RESPONSIO.

*Cui annexa & premissa est, cujusdam Patriæ
sue benè cupientis, ad*

MANIFESTATIONEM SVECICAM,

brevis

DISSERTATIO.

ANNO MDC LVI.

Cicero 1. de Offic.

Nullum bellum est iustum, nisi quod aut rebus repetitis geratur, aut denunciatum antè sit, & indictum,

Ibidem.

EA animi elatio, quæ cernitur in periculis & laboribus, si iustitia vacat, pugnatq; non pro salute communi, sed pro suis commodis, invitio est: non enim modò id virtutis non est, sed potius immanitatis, omnem humanitatem repellentis.

Pomponius. l. 118. 1. de V. S.

Hostes hi sunt, qui nobis, aut quibus nos publice bellum decrevimus, cæteri latrones ac prædones sunt,



DISSERTATIO PRÆLIMINARIS
ad
MANIFESTATIONEM SVECICAM.



SI quis hodierni seculi
mores, vel per transennam, introspiciat,
facile reperiet, neminem non ad propriam
culpam extenuendam & purgandam, alienam
verò exaggerendam, & severe redarguen-
dam, promptum & facundum habere ingenium, in tan-
tum, ut unusquisque non cum venia tantum, sed & cum ra-
tione peccasse videri velit. Quod sane vitium tantò de-
testabilius est, & si Principes eò le abripi patiantur, ut, re-
jectis significantissimis rerum vocabulis excessus suos pri-
scis verbis obtegant, iisdemq; non excusationem solùm,
sed & auctoritatem dare nitantur. Ad quam quidem
classẽ meritorè referas Serenissimum Suetiæ Regem Caro-
lum Gustavum, qui hanc ita diu, bello, quod & Inter Bar-
baros fieri amat, non prius denunciato, Serenissimum Po-
loniæ Regem, Joannem Casimirum, tot tantisque bellis un-
diq; , plus satis involutum, atq; inde violentiæ inferendæ
oportunum ratus, post habitis solennibus, nondumq; fini-
tis indutiarum Stumdorfianarum pactis, abruptis etiam,
aliis compositionis mediis, hostiliter invadere, ditionesq;
ejus subjungere, interim verò hanc suam injustissimam ex-
pedicionem, variis adscititiis coloribus fucose obrumbrare
ausus est. In quem finem publicata est illa, ita dicta, *Bre-
vis & præliminarius enumeratio causarum, ob quas se Serenissimum*

Polonia Regem bello adori i consueſſe putat, aut verius ob-
tendit, ſcilicet, ut hæc ratione proſtitutz fidei, & inducia-
rum ruptarum notam à ſe in Poloniæ Regem retorqueat,
ſuas verò actiones quadam juris ſpecie inruſtet. Non de-
ſuiſſent proſectò, qui frigidas hæſce ratiunculas contrario
aliquo ſcripto orbi Chriſtiano jam dudum teſtatam reddi-
diſſent niſi incongruum viſum aliis fuiſſet, calamum prius,
quam arma, tantæ ferocitæ opponere, hoſtemque, à verbis
ad arma prolapſum, & ferro nos impetentem, ſolis ſcripto-
rum ſyllabis retundere, fractaq; navi de mercibus diſputa-
re velle. Jam verò, ubi, per DEI gratiam, ad ſeſe rediit
Prisca Polonorum virtus, illeque ſanguis Martius iterum,
juſto furore incaleſcere, atque ſe exerere cæpit, non minus
(alio licet, quam Suetiæ Rex procedere voluit, & inverſo
ordine) poſt expedita tela, ſtriſtosque enſes, etiam ſtylo
rem agere, injuriasque Suecias prælo publicare, atque ita:
undiq; præſidiis ſuis hoſtem exuere oportunum eſſe ju-
dicatum eſt. Attamen non opus fuit multum operæ in-
conſutandis ſupra dictæ Maniſtationis cauſis consume-
re, aut punctuatim iis reſellendis occupari, cum non tan-
tum iſtis Stumdorfianis pactis diſerrè cautum, ſed & in
ultimis Lubecenſibus tractatibus utrinq; ita condiſtum fu-
erit, quod non obſtantibus cauſationibus hiſce aliisque,
Suecorum *ET CÆTERATIONIBUS*, induciæ, ad decurſum
conſtituti olim viginti ſex annorum temporis, (nimirum
uſque ad annum 1661.) continuari deberent. Operam
verò omnem ludunt Sueci, quando ſuis cavillationi-
bus, adjectisque circa pactorum phraſin: *SEMEL ATQVE
ITERUM*, frivolis quibusdam commentationibus pacta hæc
eludere, & penitus extinguere laborant. Nam quocunq;
modo verba hæc accipiant, fidei ruptæ & violatarum in-
duciarum rei permanent, cum ſiquid forte ex parte Polo-
norum

norum intercefferit, quod pactis adversari videatur, non armis vindicari, sed amicis complanationibus sopiri debuerit. Pauca hæc qui attendit pluribus ad confutandam Manifestationem Suecicam non indiget, atque in irritum exindè cadit labor istius, qui sub nomine *CTRISCI THRASIMACHI*, pro iustitia armorum Suecorum, quædam super addere, laborantiq̃ue Manifestationi obstetricari hâc ratione, & nescio quæ non Germanis persuadere, voluit, cujus tamen dicta & allegata subsequenti epistolico responso ita sunt expuncta & enervata, ut exindè tantò facilius quis cordatus intelligere possit, Suecorum causam non jure, sed armis leviter susceptis niti, & à partibus eorum nil nisi violentiam, à partibus verò Polonorum, solidam justitiam stare, quæ quin tandem triumphatura.

sic, non est quod dubitemus, multis imprimis exemplis abundæ docti, illam etsi quandoque, languere, non tamen vinci posse.

Ad

Ad
Cyriaci Thrasy machi Epistolam
RESPONSIO,

Cyriaco Thrasy macho Salutem.

NEginuper Epistolam Tuam, quam vi.
Kalend. Novemb. Anno præterito, DA JU-
STITIA ARMORUM SUEPICORUM IN POLONOS,
PERQ; RA LIBERATA A MAGNO PERICULO GERMA-
NIA dederas, Sed quia in eadē Epistola mul-
tis injuriis & Polonos & Reges Poloniæ afficis, & probare
conaris, illos latissimā culpā suā arma Suecica in se provo-
casse, defensionē illorum suscipere visum, tibiq; ad oculum
demonstrare, Te nec justitiam armorum Suecicorum in Po-
lonos, multò minus, quod per ea Germania à magno peri-
culo liberata sit, probasse. Hoc Tibi largior Te malam cau-
sam speciosè satis, conquistis undiq; argumentis, sed non
solidè defendisse, causamq; tuā variis verborum pigmentis
ornasse, ut facile posses incautis fucum facere. Sed quando
argumenta tua æqua ponderantur lance nullius deprehen-
duntur pōderis. Ego nullos Rhetorum flosculos, nulla ver-
borū ornamenta, aut fucatiā eloquentiā opponā, sed pla-
nè & nudè dicam, quod res est. Veritas enim nuda est, nec
eget his incrustamentis. Peccarē quoq; in lege Epistolæ, si
ampullatis & sesquipedalibus uterer verbis. Bene hac de re
sentit Seneca, cum ad amicum suū Luciliū 75. Ep. sic scribit.

*Qualis sermo meus esset, si una sederemus, aut ambularemus,
illaboratus & facilis, tales Epistolas meas esse volo, quæ nihil habe-
ant accersitum nec fictum, si fieri posset, quid sentiam ostendere,
quam loqui mallet.*

Libere dicam quod sentio, sine ira & studio quorum cau-
sas procul habeo. Et quamvis corruptissimo hoc seculo nō
liceat sentire quæ velis, & quæ sentias dicere, attamen cujus,

vis

vis ingenui est, ut sermo cōcordet cū vita, & illa promissum suum implevit, qui & cum videas illū, & cum audias id ē est.

Rem ergo ipsam absq; multis ambagibus aggredior.

In prædicta Epistola tua duo potissimum probare anniteris. per Polonos scil. non per Suecos stetisse hætenus, quominus dudum inter populos illos firma ac perpetua Pax vigerit: alterū, polonos multis modis induciarū leges fregisse. quæ sanctè hætenus à Suecis sint observatæ, ac proinde culpa sua latissima ante tēpus arma hæc in sese provocasse.

Dum primum discutere incipis, originem belli non ex fide, (quod pace Tua dixerim) nec sufficienter enarras, sed plurima, quæ maximè narrare, debueras, omittis:

Taces enim, quod Sueci Esthoniā à Livonia (quæ jam anno 1560. Sigismundo Augusto Regi Poloniæ Juramentū fidelitatis præstiterat) bello Moschico implicita, avulserint, ut *Piascicius*, quē sæpissimè allegas p. 72. (edit. Cracoviens.) scribit Unde quoq; Legati Suetici, ut Polonos ad eligendū Sigismundum Tertium, filium Joannis Regis Sueciæ, inducerent, *in augmentum & ornamentum Reip. satis speciosa, si fuissent præstita, (verba Piascicii) restitutionem Esthoniæ, & machinas bellicas in Livonia sub Moscho interceptas offerebant.*

Quod clarissimè evincit, jam à tam longo tempore Suecos Polonis infestos fuisse, cum Poloni nunquā Suecos ante offenderint, imò potius filium Regis Suecorum in Regem, Anno 1587. elegerint. Et si Sueci Regem Sigismundum Tertium legitimum Regni Sueciæ Successorem, & unanimi Statuum Regni Sueciæ consensu coronatum Regem suum, Regno non abdicassent, nunquā ad tam crudele deventum fuisset bellum. Quod paulò altius repetendum duco, ut omnibus pateat, quæ vera causā & origo belli Sueco Polonici à tam multis annis fuerit.

Cum Rex Joannes Sueciæ, Sigismundi Tertii Pater, anno 1592. 27. Novemb obiisset, filius Sigismundus Rex Poloniæ

loniæ sequenti anno iter in Sueciam, ad assumendam Co-
 ronam Regni, parabat Fama erat, quod Patrus ejus Caro-
 lus ad se ipsum traheret successionem illius Regni, & ad ex-
 cludendum Sigismundum vires & modos cōpararet. Nec
 vanus ille rumor fuit: Nam *munitora in Finlandiâ & pluri-*
bus aliis Provinciis loca occuparat, teste Piaſcio Tuo fol. 128. Tuū
 jure nomino, quia omnia, quæ in invidiam Polonorum ex
 Historia ipsius excerpere potuisti, Epistolæ Tuæ inseruisti.
 Hoc initium fuit diffidentiae: progressus inde, quod cum
Sigismundus in Sueciam transierat, ad ineundam possessionem il-
lius Regni, hereditate paternâ sibi debiti, difficiliorem, quam pu-
tarat, rerum ibi statum invenit, Carolo Duce Patruo suo, cum a-
peritè Regnum petere non posset, variis technis omnia inter verten-
te, quo sibi viam aliquando ad idem Regnum pararet. Utor ver-
 bis Piaſcii fol. 33. cōlubentius quod apud Te sit classicus,
 & non suspectus autor. Eodem anno Sigismundus Rex so-
 lenni Diplomate juribus tam Ecclesiasticis, quam Politicis
 „ 19. Feb. Statibus Sueciæ cavit, & coronatus ab Archi Epi-
 „ scopo Upsaliensi una cum Regina, & constituto Patruo
 „ Carolo Administratore Regni *adjunctis ei Erico & Gustavo*
 „ Brahe, reditum in Poloniam apparavit, & cum 44. navibus Men-
 „ se Julio Stochholmiâ solvens, superatis angustiis, ad Pucensem
 „ Borussiae Portum appulit, ac inde ad Ostiâ Vistulae subvectus, Ge-
 „ danū intravit, benè in Suecia ut putabat, constitutis rebus.
 At Carolus Patruus post discessum Regis statim varia moliri
 cepit, & absolute nullo respectu praeminentia Regia, pro arbi-
 trio sua omnia agebat, & paulatim munia Regia in se transfere-
 bat, ut Regi prater nomen Regium nihil superesset. Et licet Legati
 ex Polonia in Sueciam Anno 1596. expediti fuerant, ut hac de re
 cum Carolo exposcularent, longam Apologiam, artificiosè elabora-
 tam, loco satisfactionis, retulerunt. Et ut speciosius Carolus om-
 nia ad se traheret, Convēntum Arbogiae Anno 1597. die 18. Feb.
 indixit, dissuadentibus Consiliariis Regni & Rege Sigismundo pro-
 hibente,

hibente. In quo Conventu licit unus tantum ex primariis Confi-
liariis Regni comparuisset, tamen cum suis assentatoribus, plura
circa Regni statum decerni fecit, & id in Conventu isto, subor-
dinantibus Ipsius emissariis, obtinuit, ut nomine illius Conventus
ad ipsum publica instituta fuerit petitio, ut sicut hæcenus, ita &
imposterum, usq; ad adventum Regis, gubernatorem Regni (cui
se in speciem antea abdicarat, & vice versa status universi
obedientiã omnẽ se ipsi præstituros, obligabãt) sustineret.
Quod fusius Piasecius Tuus fol. 175. describit, pluraq; addit,
quomodo post conventũ hunc Carolus Arcium Præfectos,
Magistratus à Sigismundo Rege cõstitutos, amoverit, pro-
priisq; substitutis, fidiore Sigismundi in exilium pulserit,
bonis eorum in fiscum redactis, quæ hic repetere nolo:

Judica, quæso, an hæc à Gubernatore Regni, contra Re-
gem suum acta, probanda sint.

Devenio jam ad annum 1598 quem Tu primum esse scri-
bis, quo Sigismundus Rex infestis armis, adjutus valida Po-
lonorum manu, patrium Sueciæ Regnum, adortus est, &
ante quod tempus nemo Suecorum unquã Polonorum quen-
quam læserat. Quod an veritati consonum, vide rogo ea,
quæ in præmissis dixi. Quasi hoc non sit lædere ullum Po-
lonorum, cum quis Esthoniã, Poloniæ Provinciam inter-
cipit & detinet, deinde Regem Poloniæ variis modis offen-
dit. Sed hic est ille Annus, quo Carolus Dux jampalam in re-
bellionem (sit venia verbo, si aures tuas offendit, Piasecium
sequor) erupit, & Legatum Samuelem Laski, quem Rex Si-
gismundus in Sueciam miserat, contempsit. Qui cum rein-
fecta in Poloniã rediisset Sigismundus in Sueciam ivit,
& sub finem Julii Calmariam appulit. Tum Carolus contra-
ctus ex Arcibus suis majoribus Copiis, ac Regis Suetici, minis, pro-
missisq; sibi devinctis, propè Lincopiam ad Stange pontem acie in-
structa, loco opportuniore Regi occurrere ausus est: & nec facta
mentionem tractatus Pacis, quam paulò ante Lincopia institui (ut
falleret, & Regum incautum teneret, ut Piasecius dicit:) petie-
rat,

rat, eog. Rex Maximilianum Przerembski cum aliquot Consilia-
riis Suecū miserat, contra Regios infesta signa promovit, ratus se
posse eorum paucitatem multitudine sua facile opprimere, maxi-
mē, quod nulla tormenta, exiguumq. apparatus bellicū haberent.
Plura hac de re, si vis, lege in Piafecio fol. 189. & subsequen-
tibus. In quibus & hoc addit, quod post discessum Regis
Suecia, Carolus Calmariam post sex mensium oppugnati-
onem ceperit, & ex obsessis quadraginta octo Nobiles Suc-
cos, qui eo confugerant, Regi fidiōres, una cum Præfecto
suo Joanne Sparre & Christophoro ac Laurentio Andræ
securi iusserit percuti, & quod ita tota Suecia in potestatem
Caroli concesserit. Quibus omnibus non contentus Caro-
lus tandem Anno 1599. perpetuò (utor verbis Piafecii Tui f. 209)
per totum Regnum talē carnificinam excercebat, ut nullus hiscere
contralpsus dicta vel facta amplius auderet, nisi simul de vita,
bonū liberūq. periclitari vellet. Comitia Stockholm. indixit,
& in iisdem quasi dubiū quæstiōē instituit, quid expectandum
esset à Rege Sigismundo, qui ad litteras eorum Lincopia datas, ni-
hil responderet, annē obedientia illi præstanda esset, qui Regni
curam nullam haberet? Certatim omnes, in his Comitiiis, (quod
ab ipso desiderari sciebant) Regem Sigismundum Regno abdi-
carunt, renunciantes jurejurando & fidei, quæ hæcenus ei obliga-
bantur, non excluso tamen à spe successionis Regni Vladislao ejus
filio, si intra semestre in Regnum veniret, & in Religione ac legibus
Sueticis instrueretur. Quæ abdicatio ansam & originem om-
nium turbarum dedit, & an jure abdicatio ista facta sit, aut
fieri potuerit, aliis dijudicandum relinquo.

Carolus post hanc abdicationem Sigismundi Regis, gu-
bernationem Regni absq. Titulo Regio continuavit, ad an-
num 1607. quo magno omnium Ordinum consensu in Re-
gem Sueciæ coronatus est, unione hæreditaria (ut vocant)
jam ante 1604. Norcopiæ renovatâ Prudenter certè imita-
tus Augustum, qui cuncta discordis civilibus fessa, nomine
Principis, sub imperiū accepit. Quomodo deinde Carolus
in festa

infecta arma Livonię, Provincię Polonię, intulerit, & du-
bito Marte sepius dimicaverit, & quod Zamofcius Carolo
pei tibi cinē hoc exprobraverit, quod contra morem non
solum Christianorum, sed & gentilium, stantibus intra Re-
gna Polonię & Suecię pacis foederibus, nulla laceffit in-
curia, nec denunciato bello, Provinciā Polonię Livoniam
invaserit, & patruus nepotē Regno paterno spoliarit, ob-
lato ipsi duello, quo tantę injurię, iusto Deo iudicio discer-
neretur, nihil dico, quia hæc in Piafecio omnia leguntur. Suf-
ficit tibi demonstrasse originē belli inter Suecos & Polonos,
nō à Polonis, sed à Suecis ortā. Paulò fufius hæc Tibi, quā o-
ptaffes fortē, deduxi, sed hoc rei necessitas exigebat, ut ōni-
bus luculētissime de fundamento totius huius belli cōstaret.
Jam mihi narranda veniunt tēpora Gustavi Adolphi Re-
gis Suecorum, successoris Caroli Patris, Qui jam an. 1614. ce-
pit Moschis, contra Polonos, (qui illum nullatenus offen-
derunt) auxilia ferre, & ita illos nulla data causa irritare.

Quę deinde ex Piafecio de præparatoriis Regis Sigis-
mundi, ad recuperandum Paternum Regnū, allēgas, legun-
tur quidem apud dictum Piafecium f. 357. ast addere debuif-
ses, quę paulò ante fol. 356. scribit. *Difficilioris quoq; bellicum
Suecu omne Sigismundi Jus in illo Regno Gustavo Adolpho Caroli
Regis filio deferētibus, jam indè initia apparebant, portento sumq;
inde brevi exiturum belli Duce prænunciabat Monstrum Mari-
num, ad finem anni præteriti Calmaria captum sesqui ulnas lon-
gum, in cujus capite gladio pinna similis, intergo autem tres basta-
rum cuspides, & ac ore bini dentes elephanti, ab umbilico pes
humanus prominebat, cum expressis in latere verbis, Va, Va, Va
homo. Putasne jam, Thrasimache, Regē Sigismundum nihil
debuiffe, cōtra possessorē (ne severiori utar verbo) Regni sui
tētare, & ad minimū possessionē ipsius turbare, ne de quiete
& pacifica, non interrupta possessione gaudere possit? Cre-
disne hanc expeditionem, quia non ex voto, ob rationes
quas ipse ex Piafecio innuis, successit, injustam fuisse? Qui*
B 2 suum

suum vendicat, nemini injuriā facit. Non semper justitia et felicitas sequitur. Interdum injustissima bella felicissimos habent progressus. Sed hæc Anno 1616, acta sunt.

Antequam autem Rex Sigismundus hanc expeditionē, de qua jam dicitur, susciperet, sæpius Tractatus Pacis cum Rege Gustavo Adolpho tentavit, & jam An. 1613. propensum animum suum ad pacem testatus est in literis suis ad Regem Gustavum, de data Varsaviæ 1. Junii Anno 1613. Quod idem Rex Sigismundus in literis suis ad Regem Gustavum 10. Januarii An. 1614. Varsaviæ scriptis repetiit, in quibus inter alia hæc habentur. Verba ipsa Epistolæ dabo. *Litera Dilect. Vestra 18. Septemb. Holmia ejusdem cum prioribus seniorū, per tubicinem allata nobis mense Novēb proxime elapsi, Varsavia reddita sunt, in quibus hereditariis nostri Juris in Regnum Suecia titulu, iterum Dilect. Vestra omittit. simulq, agrē fert, queriturq, Nos in prioribus literis Nostri non solum Regalem, sed etiam hereditarii Principis titulum pratermisisse, alio in ejus locum, quo Dilect. Vestra neq, nunc utitur, neq, antea unquam usa est, substituto, eamq, se justam satū, literarum nostrarū non recipiendarum causam habuisse, scribit; ne tamen pacū publica tractatiō praecederetur, literas nostras aperiri, eaq, prælegi sibi permisisse, ea nibilominus conditione reservata, ne ex suscepto hoc pacū atq, amicitia restaurāda negotio sibi aliquid in præjudiciū cederet, Nos itaq, tametsi multo a quiores causas haberemus, iterum literarum Dilect. Vestra non admittendarum, in quibus Regali Noster Titulus (quē jure legitimo atq, hereditario accepimus, & absq, turpis ac tumultu, sine perjurio deniq, & humani sanguinis effusione pacificē acquisivimus) iniquē & immeritō omissus est, ablatuq, quod suo tempore si res postulaverit, veris ac certū sufficientibus documentis demonstrabitur, potiore tamen afflicta Patria curā ductos Nos, indiesq, duci palam testari volumus, nullamq, in nobis moram esse, quin omni ratione ex aquo bonoq, sine ulteriore vexatione Provinciarum, sanguinūq, effusione, à violento hoc Imperio & imminenti.*

menti imposserum exitio vindicetur. Ad quod cum accederent
consilia Serenissimorum Gallia & Magna Britannia Regum, liben-
ter omnium posthac mali evitandi causa, ea admisimus, animiq; no-
stri sententiâ, quam potuimus, clarissimè diligentissimèq; Dil. V-
estra explicandâ censuimus, ut consensû verborû factorûq; à nostra
parte, pacisq; in Nobis & concordia curam amoremq; si quis veritati
& aequitati locus fuerit, animadvertat, agnoscatq;. Interim multas
magnasq; quibus sapè & immerito affecti sumus, injurias seponi-
mus Regale tamen, jus Nostrû in Regnum Suecia per summû nefas
patinobis adimi, neq; Jura nostra, neq; dignitas finit. Quod itaq; ad
Titulum attinet, quo tanquam novo & inusitato Dil. Vestra com-
pellatam se scribit, in hereditarium Serenissimi Parentis Dil. Vestra
fuit, quem in coronatione nostra, præstito Nobis perpetua fidelitatis
ac securitatis juramêto, & Ducatu Sudermannia, Noriciæ & Ver-
melandia, cum debita reverentia & submissione accepto, ipsitan-
quam subdito & Vasallo Nostrò ipsiusq; legitimis masculis heredi-
bus Regia Nostra auctoritate concessimus, & confirmavimus, eod-
Dilect. Vestram in literis nostris compellavimus &c. &c. &c. Ce-
tera omitto quia asperiora sunt, quæ aures tuas offendere
possent, & ego hæc ad nullius offensionem, tantum ad cru-
endâ veritatem, scripta volo.

Tractatio pacis inter hos duos Reges tum temporis nul-
lum habuit successum, & hoc ob certas condiciones quibus
Rex Succiæ Tractatus hos circum scribere voluit, de quo
Senatores Regni Poloniæ & Magni Ducatus Lithvaniz in-
responforiis suis ad Senatores Succiæ, Varſaviæ 6. Jun. an-
1614. datis, conquēruntur his verbis: *Quo magis mirati sumus*
Illustrem Principem Dn. Gustavum Adolphum Sudermania Du-
cem in suis ad Regi Majest. literis ita futuros isto tractatus defini-
re, cōditionibzq. circum scribere, ut appareat eum causa sua dif-
fisum, cognitionem ejus subterfugere velle. Nos contra aq. uissimū
putamus, ut totum id, de quo inter nos & S. R. M. ac vos orta est
controversia, funestiq. belli origo, arbitrio Judicioq. Principū, qui
cura pacis cōstituēda suscepturi sunt, permittatur &c. &c. &c.

Magnâ curâ Elector Brandenburgicus Joannes Sigismundus in id per plurimos annos incubuit, ut bellum illud per interpositionem Regum Galliæ, Angliæ, Daniæ & per Confoederatos Belgii Ordines componeret, missoq; Barone Ketlero ad prædictos Reges, & Status multo labore & impensis promovit, sed infelici successu, ut statim audies.

Rex Galliæ summopere laudat propositum Regis Sigismundi, controversiam hanc per arbitrale judicium præfatorum Regum & Statuum sopiendi, & hæc ad illum Mense Novemb. Anno 1614. scribit. *Nous avons receues lettres, que vous nous avez escriptes le ix de Juillet par l'adresse de Nostre cher Cousin le Marquis de Brandeburg, Prince & Electeur du saint Empire, touchant les differents, qui passent entre vous & le Prince de Suede, en la resolution, que vous avez prise de deferer le jugement arbitral àux Roys & Potentats Vos amis & aliez. Laquelle nous lovons & estimons pour le bien qui en recussira. & les maux que pourra prevenir un bon accord, qui vous sera moyenné par l'entremise commune des dits Roys &c. &c.* Quo animo Jacobus Rex Angliæ erga hanc tractationem Pacis fuerit, testatur in literis suis an. 1615. ad Regem Poloniæ his verbis. *Quod S. V. à nobis petit, una cum Serenissimo Principe Charissimo nostro cognato Electore Brandenburgensi, ut Legatos nostros Stetinâ in Pomeraniâ mitteremus, ad audiendâ & decidendâ illas controversias, quæ inter S. V. & Principem Sueciæ diu flagrant, quod etiam Christianissimus Rex, ut literæ Vestra præ se ferunt, facere decrevit: Nos cupientes satisfacere desiderio vestro, dabimus in mandatis Legato Nostro, qui in Galliâ residet, ut exploret animum Gallorum Regû, quo tempore suos Legatos mittet, quo nostri possint esse paratiores ad illud iter capeßendum & munus obeundum &c. &c.*

Dum hæc aguntur & Consilarii Elect. Brandenburgici ad Senatores Regni Sueciæ 16. Apr. An. 1615. scribunt, illisque notû faciunt, Reges Galliæ & Angliæ statusq; Confoederatos

tos Belgii tanquā Meditatores primam diem Septemb. ejus-
 dem Anni ad cōpositionem funesti hujus belli instituisse, &
 locum Sterinum designasse, Senatores Regni Sueciæ literis
 suis ad prædictos Consiliarios Brandenburgicos Stockholm.
 6. Jun. An. 1615. scriptis respondent: Brevem esse terminū,
 deinde conqueruntur Regem Poloniæ, in literis suis 10. Jan.
 anno 1614. scriptis, quarum ante jam mentionem feci. in-
 nuere, sed de prætenso jure suo, in Regnum Sueciæ, tractare
 velle, de quo nulla mentio in Tractatibus fieri debeat, Quia
 Rex eorum nullo modo permittere possit. Decretum Ordi-
 num de renunciatione Sigismundi Regis Poloniæ optimis
 innixū rationibus, in ullā disputationē aut dubium vocari.
 Adduntq; quod nisi Ser. Elector hoc à Rege Poloniæ impe-
 trare possit & eò ipsum disponere, ut nihil de controversia
 Regni, aut quod de eo depēdet, aut Regno adhaeret, moveat
 Tractationem pacis irritam fore, inaneq; interponentium
 Regum & Rerum publ. sumptus. Cum verò has Tractatus
 pacis conditiones Elector Brandenburg. literis suis ex Castr.
 Schönflissen Calendis Quint. an. 1615. ad Regem Sigismun-
 dum præscriberet, tale responsum pridie idus Sextil. eodem
 Anno tulit, his verbis: *Quod verò Illustrat. Vestra nobis signi-*
ficat Ordines Sueciæ, priusquam ad rem ipsam susceptumq; nego-
tium ventū fuerit, scire velle, quid nos de Jure Nostro ad Regnum
Sueciæ heridario statuere in animo habeamus, novum planè &
indignum esse, quod flagitant, facile qui vult judicare potest. Hoc
ipsum enim in quæstionē disceptationemq; venit an nobis Regnum
Sueciæ debeat, Nosq; per summam injuriam paternā a vitāq;
hereditate exuti spoliatiq; in integrum restituendi sumus. Id nos
omni ratione asserturi probaturi, sumus, id verò Reges per Com-
missarios suū expensari, & deniq; secundum Jus & æquū arbitrali
sententia decreturi sunt. &c. &c. Tandem Tractatio ista pa-
 cis, cujus præparatoria per tot annos durarunt, in fumum
 abiit, & Legati Regis Sigismundi, Andreas Przyiemski, Go-
 orgius

orgius Pose, & Smogolecki morâ Stetini compulsum die-
rum factâ, rebus infectis abierunt, nullis comparentibus Le-
gatis Suecicis, prout vehementissimè in literis suis ad Ele-
ctorem Brandenburg. Stetini 15. Septemb. An. 1615. scriptis
conqueruntur, dicentes: *Quemcunq; causum suscepta actio ha-
bitura esset, ad diem & locum conditum praesto esse voluisse, ut
quam maximè palam facerent, & Suecis & omnibus, R. Mtem.
omnes rationes pacificationis quaesivisse, nihilq; commodis suorum
& publica tranquillitate antiquum habuisse &c.*

Cujus jam culpâ hæc Tractatio Pacis successione carue-
rit judicet Orbis. Hæc omnia quæ dicta sunt, si præmisisses
illis, quæ ex Piafecio, de expeditione anni 1616. Sigismundi
Regis contra Sueciam allegas, facilè quivis judicasset Regē
Sigismundum, post irritos hos, tanto molimine institutos,
Tractatus, nō sine causâ de bello inferendo Suecis cogitasse.
Nec est quod glories minus felicem fuisse expeditionem
hanc. Dum enim considerabis Comitem ab Altheim nō tan-
tum promissis non stetisse, sed n. ultra imprudenter egisse, a-
gnosces malum valdè in aulis Principum cōmune, quod cre-
dulo Principi sæpè novorū consiliorum autores imponant,
Sed hoc minimè probat, per Polonos, non per Suecos stetis-
se, (prout Tu asseris) quod pax non coaluerit: Nam contra-
rium evidentissimè demonstrare, & porrò probare possem,
nisi tædiosum esset, in re tam clara, plurâ verba facere:

Prætereo ea quæ Sueci proditione Farensbachii in Livo-
nia Anno 1617. cū tempus induciarum ab ipsis cum Rep.
Polona, præcipuè pro Provincia Livonia stabilitum, non-
dum præterierat, (teste Piafecio f. 361.) ogerint, tibi quæ pro-
bandum relinquo, liceat ne tempore induciarū talia moliri.
Quo jure Rex Gustavus Adolphus Rigam metropolim Li-
voniz An. 1621. occupaverit, decusque felici expeditione ita
gloriaris, audi narrantem Piafecium f. 413. dum scribit: *Ut
anim ad Livonica transcamus, Gustavus Rex Suecia ea opportu-
nitate*

nitate (nempe gravi bello Turcico Poloni implicatis) utendū ratus, cum viginti quatuor millium exercitu in Livoniam veniens, in initio mensis Septemb. Rigam obsedit & oppugnavit, summa celebritate propè ejus Vallum productis operis, cuniculisq; actū. Et postquam Piafecius in dicto loco enarrasset quo pacto Riga in potestatem Suecorum venerit, ita concludit fol. 414. Atq; ita hoc anno Poloni dum contra Christiani nominis hostem cum summo suo discrimine certabant, à Christianis met majora detrimenta acceperunt, sine ulla denuntiatione belli, quam hostis ex formula induciarum pramittere tenebatur.

En habes Piafecii descriptionem felicitis hujus (ut eam vocas) expeditionis contra Rigam. Quod ad Annum 1623. attinet miror te quædam tantum ex Piafecio decerpisse, omis- sis plurimis, quæ maxime addere debebas, sed hæc fortè nō pro te sed contra te militant. Audi quæso Piafecium, quid ille fol. 437. dicat, de iis quæ anno 1623 inter Sigismundum Regem Poloniæ & Gustavum Regem Sueciæ acta sunt. Cum in super Regē Sigismundum transire Gedanum intellexisset (Scilicet Gustavus Rex) eum classē ibi apparatusum, trāslationēq; tanti belli initia facturum credebat, & partim præsidis firmiteribus muniri curaverat maritimas suas Arces, navibusq; triginta quinque (istis Suecia abundat) collectis, ipsemet sinum Balticum decurrens, propè portum Gedanensem appulerat, observaturus illum rumoris progressus. Sed præter opinionem suam pacata omnia reperit, & licet non difficile fuisset, eum in solescentem nimium (ad singulos tormentorum in honorem Regis vel introitu, vel sub convivis in signum latitiæ exoneratorum sonitus, ille quoq; non minor fragore in anchoris lans respondebat) rejicere, ad quod aderant in illo portu novem Prætoria Regia naves, & alia Civitatis ac mercatorum propè centena, operamq; suam ad hoc Joannes Weier Palatinus Culmensis offerebat, tamen Rex Sigismundus stantibus Induciis ratus non laceffendum hostem, satis habuit, quod Regni Senatores, qui aderant, miserint ad eum exposulantes, de induciis violatis. Præ se ferebat ille tunc, quod ad tractandam

C

pacem

*pacem inclinaret, sed tã importunè, absq; preparatione, cum hosse
tam superba ostentatione tũmente, tractare, indignum videbatur
&c. Te ipsum Judicem appello, an hæc probent Regem Sue-
ciæ Gustavum tum temporis pacem Polonis (ut tu scribis)
æquis conditionibus obtulisse? Annè potius clarissimè de-
monstrant Regem Gustavum inducias violasse, & Regem Si-
gismundum Poloniæ è contra moderationem animi sui &
pacis studium abundè declarasse, quod Regi Gustavo cum-
posset, nullum damnum intulerit. Et cum tum temporis Ma-
gistratus Gedanensis per Secretarium Mitterdorffium Regi
Gustavo cibaria non nulla mitteret, plane nõ ægrè tulit Rex
Sigismundus, immò quosdam Polonos injuriolis verbis Re-
gem Gustavum pruscindentes, severè coercuit.*

*Quæ ad annum 24. & 25. ex Piafecio annotas, parum Te
juvant. Nam hæc potius probant Suecos alienos fuisse à pa-
ce cum Polonis durissimas condiciones, quas nullo modo
inire poterant, proponerent. En tibi Piafecium Testè f. 452,
Nec induci poterant (scil: Sueci) ad prorogandas illas inducias, in
tractatu interim super hoc habito, nisi Rex Sigismundus eas longio-
res, nempe in multos annos, esse vellet, vel Suecia Regno se abdicar-
et, pacemq; faceret perennem.*

*Quo pacto Rex Sueciæ Gustavus An. 1626. in Prussiam
irruerit, & brevi spacio magnam partem Borussia occupaverit, omnibus notum, ut non opus sit ea hic fusius dedu-
cere, sed potius, quomodo & quibus intercessoribus Induciæ
sexennales An. 1629. factæ sint. dicendum. Ordines fæderati
Belgii plurima incommoda ex hoc bello Sueco-Polonico
sentientes, primi quoq; Legatos suos tam ad Regem Sueciæ,
quam ad Regem Polon. An. 1627. miserunt. Qui in oratione
sua ad Regem Polon. habita 6. Julii An. 1627. luculenter de-
clarant, in qua cõsideratione apud illos hoc bellum sit, dum
dicunt: Bellum quod jam dudum de Sueciæ aliorumq; Re-
gnorum jure geritur, quamdiu in Livoniæ margine hæsit,
neq;*

neque S. R. Majestati Tuæ neque Regno Poloniæ neque communi commerciorum usui usq; adeo molestum⁶⁶ fuit, ut ei extra ordinem obviam ire S. R. Mtis. Vestræ magnanimitas necesse duxerit. Et jam propè, ut lenti maliciora, temporis remedio relictū erat, postquā id in Borussia partes translatum est, Oppida aliquot & Pillaviensis freti angustię, inquietissima illa Provincia occupata, portus celeberrimæ Gedanensium Urbis, ac Vistulæ fluminis exitus occlusus, tūm verò & S. R. Mtas: Vestra & Poloniæ Proceres, limitis sui curam & defensionem respicere, & amicorum Vestrorum studia ad tam præsentis difficultates, quæ sese ultra hujus quoq; Regni terminos effundunt, excitare ceperunt. Fœderatorum Provinciarum Ordines etiam Reipub. Christianæ interesse putâvere, ultiores hujus belli progressus, commodis rationibus coerceri &c. &c. Testantur quoq; iidem Legati in hac oratione Regis Poloniæ propensionem his verbis: Præcipuè cum neq; S. R. Mti. Vestræ animus unquā ab honesta & certa pace alienus fuerit, & jam uti speramus. tanto minus pro sua pietate & clementia abhorreat, quāto bellorum difficultates florentissimo Poloniæ Regno propius minitantur. Hæc contraria sunt illis, quæ narras, Gustavum Regem, Regi Poloniæ pacem, per Hollandicos Legatos obtulisse, sed frustra.

Frustra non fuit, misit enim Rex Poloniæ Joannem Zayvadzki, tunc Secretarium suum, post Palatinum Pernaviensem, Dantiscum, mense Decemb. An. 1627. communicandi gratia cum Dominis Legatis Hollandicis de tempore & loco inchoandorum tractatum. Elector Brandeb. quoq; missis legationibus tam ad Regem Poloniæ, quam Sueciæ, pacis negotium sedulo & feliciter promovit, & tandem mediantib9 Legatis Regis Galliæ, Angliæ, ut & Ordinum Confœderatorū Belgii, Induciæ sexennales 26. Sept. An. 1629. cōclusæ fuerunt. Ad quas acceptandas proprius fuit Rex Gustavus, ex suo potius, non, ut tu scribis Poloniæ usu. Deinde induct9

persuasionibus Legati Galliae Charnacæti, qui secretò hoc cū Rege Gustavo tractaverat, ut res collapsas ferè illorum; qui nimiam Domus Austriacæ potentiam invasam habent, restauraret, ut apparet ex articulis fœderis, eo nomine iniri.

Cum hoc bellum Sueco-Policum ad tēpus sopitū esset, Rex Gustavus An. 1630. in Germaniam ivit, profligatis quæ brevi tēpore Cæsarianis ex Pomerania, magnos progressus in Germania feliciter fecit, quæ cum hujus loci non sint, prætereo, aliisq; narranda relinquo. Dum verò Rex Gustavus felicissima arma sua per totam ferè Germaniam circumfert, Rex Sigismundus Poloniæ ultima Aprilis Anno 1632. moritur. Post cujus mortem cum Vladislaus filius concordiam omnium suffragio Rex Poloniæ renunciatus esset, literas affectu plenas ad Regem Gustavum mense Novemb. An. 1632. dedit, quas hic de verbo ad verbum inferere, consultum visum, ut omnibus pateat, quam prono in pacem fuerit animo Rex Vladislaus. Verba literarum hæc sunt.

Serenissime Princeps Dne. Patre Charissime, Præterita non tam odia, quam arma, neq; morem Principum, neq; jura natura oblitescere possunt, Proinde nos utriq; obsecundantes nunciare volumus Serenitati Vestræ, Supremo Regi Regū placuisse, ut evocata ad immortale Regnum Diva memoria Parente nostro, nos in Sceptrum ejus succederemus, quod nobis concors Ampliss. istius Reipub. Ordinum Vox & suffragium paucis antè diebus detulit. Quod cum ad communē Regiæ Domus nostræ gloriā & felicitatē pertineat, facile fore confidimus, ut Serenitas Vestræ non modo lato id accipiat affectu, sed etiā & pietatē Christiana & cognata Charitatis officium funeri Dn. Parentis & Inaugurationi nostræ exhibeat, illi in 24. huic in 30. diem Jan. proximè Cracovia incidenti. Gratum verò imprimū fore speramus Serenitati Vestræ id amicè compellationis officium, quo eam antevertere voluimus, ne aut morē Principum, aut naturam exuisse videremur. Quia Serenitas Vestræ hoc primo affectus nostri argumento conjiciet, nos cupere compositū ex dignitate

tate utriusq; nostram armorum causis, expeditius deinceps iura sanguinis colere, rati idem cordi esse foreq; Serenitati Vestræ ob eū sanguinis nexum, qui fortunam & dignitatem amborum ita connectis, ut nihil alterutri adversum, nihil gloriosum accidere possit, quin ad utrumq; pariter pertineat. Quod reliquum est, Ser: Vestræ prosperæ ac diuturnæ valetudinem à Deo precamur. Data Varso. 18. Novemb. An. 1612. Subscriptæ erant, Eiusdem Seren: Vestræ Benevolus Nepos. Sed literæ hæc nō pervenerunt (quod maximopere dolendū) ad manus Regis Gustavi. Nam jam ante eodem mense Novem. Rex Gustavus contra Cæsaria nos propè Luzenā fortiter dimicando, gloriosè occuberat: qui ob infirmas virtutes suas longiori vita dignus erat. Quod eò magis deplorandum, quod non licuerit Regi Vladislao cum Gustavo superstitite tractare. Nam planè mihi persuasum, quod & alii magni nominis Viri credunt, hos Reges pacem firmam & diuturnam facturos fuisse; Tum propter amorem, quò se invicem prosequabantur, cuius non obscura dedit argumenta Vladislaus, dum adhuc Princeps cum Rege Patre in Castris Prussiarum esset, non sine murmure multorum, nec minorem inclinationem erga Vladislaum Gustavus in privatis Colloquiis testatus est: Tum quod florentibus rebus Suericis in Germania, tacite Rex Vladislaus favebat.

Postquā verò tempus sexennialium induciarū anno 1635 ferè expirasset, denuo, intercedente & procurante Electore Brandenburg de Prorogandis induciis actum fuit. Quæ etiam 12. Sept. An. 1635. mediantibus legatis Galliarum, Angliarum & Ordinum fœderatarū Provinciarū Belgii, inter Regē Vladislavū & Christianā designatam Reginam Sueciarum, successores ejus, Reges Suecorum, Regnumque Sueciarum ad viginti sex annos prima Julii stylo vet. an. 1661 terminandos, pactæ fuerunt, de quarum ruptura nunc potissimum disputatur.

Tu, mi Trasymache, magni beneficii loco allegas, quod Sueci bis magnis sumptibus, & (ut tu dicis) *corrogatū hinc inde*
de Me-

de Mediatoribus Legatos Lubecam miserint, sed considera, Succos ad hoc obligari per XXII. articulum Induciarum, In quo hæc expressa habentur verba: *Durantibus ac currentibus hisce Induciis agatur de pace perpetua loco ac tēpore interventuq; Principum Mediatorum, de quibus inter partes, cura ac diligētia Illustriss. Ducis Curlandiae, convenerit: Ita tamē, ut si tractatus pacis perpetua semel aut iterum nō successerit, firma nihilominus & inviolabiliter maneat Inducia usq; ad exitū hisce pactis præfinitum.*

Quod Rex Poloniæ in Pleni potentis Legatorum Titulo Regis Sueciae usus sit, non est quod ægrè feras. Nam si Rex Poloniæ omni jure suo, quod in Sueciam habet, renunciare debebat pacis ergo, quare non debuit Titulo isto ante renunciationem, quam ritè facere non potuit, nisi se Regem Sueciæ antea dicere uti? Deinde cū Pater ipsius à Carolo Patruo, præter fas omne, hereditario exclusus fuerit Regno (Kobierzicius Castellanus Gedanensis, quē tu Florentissimum historiæ Vladislai principis Scriptorē nominas, prout meretur quoque hanc laudē, scribit initio historiæ suæ) & ille Patri & Fratri in eo successerit, Sueci nō debebunt illi invidere, quod hāc notā justæ prætensionis suæ usurparet. Nec invenio in publicis tabulis Induciarum, quod prohibeatur Titulo Regis Sueciæ uti. Insuper in hoc cōvētū Lubecē si primo tractari debebat, de eo, an Rex Polon. tam titulo Regis Sueciæ, quam ōni prætensione & jure suo in Sueciā cedere deberet? & ridiculum fuisset, si se Titulo isto ante tractationē pacis ultro abdicasset

Eadem est ratio de Sigillo, & quod in eo insignia Regni Sueciæ & nomen Regis Sueciæ inculptum fuerint, non est cur offenderit Legatos Sueticos. Nam cur ad signandas Plenipotentias tātum, alio Sigillo, quam quo ordinariè in Cancellariè Regni omnia obsignantur, uti debebat. Sed firmiter credo R. Majestatem se ad hoc induci Passuram fuisse, ut & Titulo, & insignib; Sueticis abstinuisset, dummodo spes aliqua apparuisset Suecos sinceram & duraturam pacē cupere.

Vcrum

Verum hæc tantum inventa fuerunt, ut fucum Sueci exteris facerent, quasi justā habuissent causam abrumperē tractat.

Optima quoque intentione Canasilius in Suec. ad Reginam Christinam missus fuit, ut contestaretur Regis & Procerum Polon. proptitudinem, Legatos in Suec. Plenipotentiis sufficientibus, instructos, brevi mittendi; & de pace perpetua, transigendi. Cum autem eo ipso tempore Regina Christina inusitato in auditoque in foemina exemplo. Regimen Sueciæ deponeret, & in modernum Regem Carol. Gustavum transferret, nō tale, quale sperabat, retulit responsum. Nec ad Regem admissus, sed per Magnum Cæcellariū Regni Oxenstirn. (qui meritō non tantum titulo *Magnus*, sed re ipsa fuit, *summusque*, dici meretur Politicus, cui Suecia debet, quod in tam florido jam sit statu) expeditus fuit, prout Tu ipse testaris, refersque; verbotenus Responsum, quod hic non repeto.

Posteaquā Canasilius rediisset, denuō visum Morstenium Cameræ familiarem S. R. Majest. in Sueciam ablegare, ut de præliminaribus circa locum & tēpus futurorū Tractatum tractaret. Sed quia in literis fiduciæ (vulgo credentiales) sub finem scriptum erat. *Regnorū nostrorū*, & vocola. & cetera ommissa esset, offendeat hoc denuo Suecos, licet in literis ipsis Titulus utriusque Regis ad placitum Suecorum scriptus esset. Magna hæc certē, & minime laudanda curiositas in his minutioribus. Nec debuisset levis ille defectus affectū ab utrinque; sincerum ad conciliationem animorū, negotiumque; stabilendæ pacis inter hæc Regna perpetuæ turbare, ut prudēter Senatores Regni Poloniæ ad Senat. Regni Sueciæ 15 Maji An. 1655. de hoc negotio scribebant, ad quas literas Te remitto, in quibus uberiores objectionis hujus Tuæ leges responsum.

Licet verō Rex Senatoresque Poloniæ meritō offendi potuissent, quod nec Canasilius, nec Morstenius ad Regem Sueciæ admissi, aut ab ipso auditi, sed planē contemptum habiti fuerunt tamen ne in se quicquam desiderari paterentur, Go-

raiscium

raiscium Castellatum Kioviensem Legatum, cum plena potestate in Sueciam destinarunt, quem, dum in procinctu esset, mors prævertit, & huic negotio moram iniecit. Sed hoc non obstante statim Rex Senatusq; Poloniæ in eam curam incubuerunt, ut alios in locum defuncti substituerent. Solennissime ergo, ex placito Comitiali, in Comitem Lesczini-um Palatinum Lencziciensem & Naruszewicium hoc munus imposuerunt. Qui cum in Sueciam appulissent, & arma in Polonia parata vidissent, non destiterunt Regem Sueciæ optimis rationibus inducere ut tractationi pacis locum daret. Sed nullatenus bellum hoc avertere potuerunt.

Judicet jam universus Orbis, quis huic funesto bello originem, quis causam dederit, & an per Polonos aut per Suecos itererit, quod pax firma tam diu non coaluerit. Certe ille, qui, quæ hic scribo, absq; pravo affectu leget, singulaq; ex probatis authorib; Actisq; publicis de præopta, considerabit, confitebitur non Polonos, sed Suecos semper à pace abhorruisse.

Lege quæso XXII. articulum Induciarum viginti sex annorum quem ante citavi, in quo disertis verbis habetur, ut si Tractatus pacis perpetuæ, semel aut iterum non successerit, firmæ nihilominus & inviolabiles manere debeant Induciæ usq; ad exitum hisce pactis definitum; Videbis nullo jure, potuisse Suecos post tentatos Tractatus pacis, post tot missos à Polonia Legatos pacem offerentes, Inducias rumpere, & bellum tam cruentum Poloniæ, nihil mirus quam hoc expectanti, inferre In memoriam tibi revoca, quid Legati Suetici Lubecæ Legatis Polonicis promiserint, nempe *Suecos sine cerere & inviolabiliter Inducias, usq; ad tempus Inducis definitum, servaturos. Quod scio eos non negaturos, quia promissio hæc subscriptione manuum Legatorum Sueticorum firmata fuit. Deus bone, qua fide hæc tam solennissime promissa oblitterata sunt! possent hic Poloni, me interprete, merito de fide Legatorum conqueri, & in illos torquere tritum illum ver-*
ficulum

ficulū, Nulla fides pietasq; Viris qui castra sequuntur, sed nolo injurias injuriis cōpescere. Dejustissimū index hæc judicabit.

Ad dicis, Polonos induceas fregisse, & quod apud omnes gentes receptum sit arma justissime maturari in partē, quæ fidem Induciarum fregerit. Hanc propositionem non semper locum habere, Magnus ille *Grotius* Legatus quondam Sueticus in Gallia libro suo de jure belli & pacis docet fol. 247. Si pars una foedus violaverit, poterit altera à foedere discedere. Nam capita foederis singula conditionis vim habent, & post quædam allegata ex *Thucydide* concludit, sed hoc ita verum est, Ni aliter convenerit, quod fieri interdum solet, ne ob quorū offensas à fœdere discedere liceat. Idem fol. 513. ejusdem non scribit, Servandam fidē etiam perfidū, & *Salustium* inducit dicentem: Bellū *Punicū* omnibus cum saepe *Carthaginenses* & in pace & per inducias multa nefanda facinora fecissent, nunquā ipsi per occasionē talia fecere. *Appianus* de *Lusitanis* fœdis fragis, quos *Sergius Galba* nova pactione deceptos trucidaverat; *Perfidia* per *perfidia* ultus contra Romanā dignitatē barbaros imitabatur. Vides ergo hanc, quam bonis regulam, non absolutē veram esse, & multo minus probabis Polonos Inducias violasse Sed examinemus objectiones Tuas.

Primò dicis, conditionibus Induciarum pactum esse, quod *Rex Vladislaus* ac ejus Successores Reges Polonia atq; Regnū Polonia & Magni Ducatus Lithuania cum Provinciis & Principibus sibi subiectis nihil hostile moliri debeant, duratibus istis induciis contra Christianā Reginā Regnūq; Sueciae, ejus provincias ac Civitates, nulla classe armata uti, neq; alius quibuscunq; subministrare cōtra illud Regnum.

Vera hæc quidem sunt & continentur ferē iisdem verbis Articulo XX & XXI, in pactis Induciarum. At videamus, an hos articulos Induciarum Poloni non servaverint? Ad conciliandam invidiam Polonis, dicis quidem. Nos *owski* Praefectum *Lomzensem* sex millibus equitum Polonorum *Cæsarianum* exercitum auxisse, & contra Gallos fœderatos Suecorum dimicasse. Sed quid hoc ad rem. Nam contra vos nunquam pugnant, &

ex Gallia severioribus comminationibus revocati sunt à Proceribus Poloniæ.

Pergis, *Bothium in Livoniam & Crokovium in Pomeraniâ excursions fecisse & quod ad neutram hosti fuerit aditus, nisi per mediam Poloniam, concludisque, talia institui non potuisse, nisi Republ. Polonia non connivente tantum, sed conspirante clanculum in exitium Suedicorum exercituum. Injuria magna Rempubl. Polonicam afficis, & innocentem accusas.*

Quod ad *Bothium* attinet, notum est, illum sub nomine Imperatoris clanculum, & manipulatim, ut ita dicam, per Borusiam Electoralem & Curlandiam transisse, ita ut nemo quid de ipsius transitu senserit, & illi quorum ditiones transibat, inscii istius expeditionis fuerint. Quam ut imprudenter susceperat, ita etiam vobis imprudentiæ suæ luit poenas, & quidē valde feveras, ut fama fert *Crokovius* vi armata & exercitu suo transitum sibi fecit, non petiit, & cū nulla habeantur in finibus majoris Poloniæ fortalitia, ut scis, facile transire potuit. Et quamvis Poloni maximē voluissent transitum impedire, non poterant. Celeritate enim magna utebatur & prævertebat illorū consilia, nec tā citō Exercitus conscribi poterat, qui ipsi opponi posset. Cur ergo Poloni in causa sūt, quod ille armis sibi viā paraverit?

Oseliam Insulam non Sueci sed Rex Daniæ possidebat, & per Tractatus Pacis Suecis illa demum à Dano concessa est. Cur ergo Rex *Vladislaus* tempore tractatum Danicorum non debuit tentare ut Insula ista, quæ ad illum jure meritō spectabat, rursus Poloniæ conjungeretur, præsertim cum tum temporis adhuc in manu Danorum, non Suecorum, esset.

Sed dic mihi, mi *Thrasymache*, annon irruptio Generalis Bannirii in majorem Poloniam anno 1637. omnia hæc superet, de qua gravissimē Ordines majoris Poloniæ in literis suis ad Conjugem Bannerii scriptis conqueruntur, quas ut tibi omnibusq; pateat, quid ibi contra expressa pacta Bannerii segerit, integras ponam: *Illustris & Magnifica Domina, Domina &*

Amica.

Amica observandissima. Graviter Resp: Nostra fert & multum nos omnes afficit milites Sueci effrenata licentia, qui jure gentium violato, fines nostros hostiliter ingressi, depopulati sunt bona Illustrissimi Domini Episcopi Posnaniensis, tum bona Reverendissimi Abbatis Bledzeviensis, in finibus nostris sita ferro vastata, Domus spoliata, subditi more Tyrannico torturis & supplicio affecti multi occisi, plurimi sanguinolenti vulneribus laesi, & quod maxime dolendum conquerendumq; est, templa Deo dicata, omni ornatu suo spoliata, cetera omnia ab his fœdis fragis vastata & profanata. Hujus militis Generalis Dux est Maritus illustris ac Magnifica Dominati Vestra Banier, cujus intererat militem in officio detinere, incurstones in fines nostros inhibere, & tantis facinoribus in Regno nostro patratis obviare. Qua de re visum est Nobis literis prius juss nostrum prosequi, requirimusq; & postulamus ab Illustris & Magnifica Dominatione Tua, ut hæc damna fratribus nostris resarciantur: Hic enim mutuas Nobilitatis Polonia amor est, ut unius fortunam suam putent omnes. Quod quamprimum fecerit, liber ubiq; in Regno nostro patebit egressus. Præptæ interim studia nostra offerimus. Datus Szroda in Comitibus Posnaniens, & Calisii Palat. 17. Jul. Anno 1637. Judica Tu ipse, an hæc in Poloniam irruptio non sit manifestissima fractio Induciarum, quas nunquam Poloni, ut jam deduxi, violarunt, licet illos criminis hujus insimulare conaris. Sed cogita, quod insimulari quivis innocens potest, revinci nisi nocens non potest. Deniq; omnes, quos allegare, potes hujus belli prætextus, morte Vladislai extincti sunt, & illi quoq; injuriam facis, innocentemq; lædis.

Reginam Christinam pro Rege Joanne Casimiro in Polonia Regam eligēdo, apud Ordines Polonia intercessisse verū est, sed ideonē omni prætensione sua in Sueciā abdicare se debebat. Nullo jure hoc ab ipso flagitari poterat. Quod Gallicè ad Reginam Christinam scripserit, nescio cur in sequiorem interpreteris partem. Nam cum Regina lingua illa valdè delectaretur, ingenio ipsius accommodare se voluit Rex Joannes Casimirus, Gallicè scribēdo.

Quæ de fœderibus, quæ Rex Joannes Casimirus molitur

(tua opinione) differis, non sentio quid velis. Sed cur ipsi Respublq; Poloniæ non licet, cum amicis fœdera inire, quod nulli in pactis est prohibitum. Cur non securitati commerciorum & Maris Balthici, cujus littora longo tractu portusq; nobilissimi, citra controversiam, juris Prutenici sunt, prospicere potest. Nihil sanè contra Inducias egisset, licet in Mare Balthicum, jure suo, Classem, ut securitas commeantibus esset, misisset. Nam per Inducias prohibetur *tantum nullis navibus, aut Classe maritima, contra Reges Regnaq; Suetiæ uti, vel contra illos quibuscunq; auxilio submittere.* Sed forte hoc malo habet Suecos, quod Rex præfenserit hoc, quod jam gerunt bellum, & quod, contra illos turbatores Maris Balthici, Portus suos tutos volebat. Nec Regem, nec Rempubl. Polonam de inferendo bello Suecis cogitasse, nec ideo fœdera ulla inire voluisse, ipsa evincit ratio & præfens status Poloniæ, quæ post tot annorum vastationes nihil quam pacem anhelabat. Sed nolo operosius objectiones Tuas refutare, quia illas Pacta induciarum, satis refutant. Lege Articulum XVIII. & XIX. videbis expressè prohibitum, *injurias tam personales, quam reales, (quas nullatenus prætereendere potestis) sub hæc Inducias incidentes uni parti de altera vindicare, & quod severa pœna in violatores pacis si de publica roborata exerceri debeant. Deniq; si quid gravius inciderit, quod violationem pactorum concernere videretur, dari debent utrinq; Commissarii, qui loco aliquo ad fines Livoniæ assignando convenire & controversias exortas sopire accidereq; debent.* Si vero nunquam Sueci Commissarios à Polonis expetierunt, (ut tu ipse affirmas) ad prætenfas illorum injurias sopiendas aut decidendas, nullas ergò habuerunt aut habent, quæ mereantur Commissariorum Conveniunt, & ideo frustra illos providicandis ab injustitia armis Sueticis allegas, Succisq; incubuit, non Polonis Commissarios petere, quia se læsos prætendunt. Nunquam Reus Judicem expetit, sed Actor. Jam Sueci in verso Ordine in Reos (opinionem eorum) onus Commissarios petendi im-

imponere volunt, ut ab Aëtoribus condemnentur. **Plurima** hic commemorare possem, sed cohibeo manum.

Certe nullo colore, nullo jure bellum hoc cruentum excusari potest. *sola Ratione Status* tantum. Nam an hæc permittat Christiano, ne dicam per pactas Inducias amico. Regnum tam per barbaras nationes afflictum, & ubiq; ferè vastatum, durantibus Induciis, quæ demum undecima Julii anno 1661 exeunt, maximè tum, cum Legati ad tractandam pacem perpetuam, mittuntur, absq; ulla denunciatione belli invadere, judicet Orbis Christianus. Non est Christianum, ne humanum quidem, à barbaris afflictos, magis opprimere. Tum omnium Christianorum laudes meruissent Sueci, cum armis suis, quæ nunquam quiescere volunt, Polonos amicos & Christianos, contra barbaros juvissent.

Non video, cur pro justitia armorum Suecicorum dicis, *res Polonicas* eò redisse, ut nisi armu in Suecorum ditionē redigantur, succubiturum illud Regnum omne sit *savitia Moschorum, Cosacorum, Tartarorum, Turcarumq;*. Insignis ratio justitiæ armorū Suecicorū. Numne poloni Suecos regarunt, ut illos à Moschis, Cosacis, Tartaris vindicent, & sibi Regnum sumant? Nunquā hæc audivi, nec ad te scio hæc fabula pervenit. Nullibi hanc rationem reperio, inter justas belligerendi causas, occupare, Regnum, in quod nullum jus habeo, tantum, ne alieno accedat imperio. Si Legati quondam Suecici Eximii *Grotii* librum de jure belli ac Pacis probè legisses, non hanc prætenderes belli Tui rationē. Ille enim f. 92 (edit. Amsterdamsi. in folio) dicit. *Nullam justam suscipiendi bellicæ causæ esse, nisi injuriam.* Nullam autem Suecos à Polonis passos esse injuriam sole clarius jam ostendi. Ergò nec causam inferendi belli habent. Si Sueci hoc intenderent, ut Polonos, in primis Lithvanios, ab oppressione Moschovitica liberarent, & in pristinum reponerent statum, haberent conscientem *Grotium*, qui in literis suis ad amicum, *xxi. Octobr. Anno M DC XXXVIII.* sic scribit: *Decet Suedos libertati omnium.*

*omnium favere, ut qui pro libertate non sua sed aliena, arma etiam
susceperint. Quam de contemnaret, si te legeret, justitiam
armorum Sueticorum, sicut facis, probantem. Diceret
tibi, quod Anno M. DC. XXXIX. X. Decembr. ad a-
micum suum scribit, Balthici Maris possessio multos inve-
niet certatores, Suedis sua littora cura erunt. O utinam illis littora
tantum sua cura essent, nec aliena invasisent! Plura non addo,
ne tibi molestus sim, aut potius, ne nimium erubescas.*

Venio jam ad secundum membrum Epistolæ tuæ, in quo
hoc demonstrare satagis? *Rempublicam Poloniam non fuisse Mo-
schis Cosacisq; parem, sed: erit fuisse succubituram, atq; ita futurum
fuisse, ut latus illud Germania populis istis barbaris detegeretur, de-
inde verò novis viribus prudentiq; administratione Suecorum, ita
suffulciri Poloniam posse, ut Germania ab isthoc periculo sit libera.*
Deus bone, quæ ratio defendens Justitiam armorum Sueti-
corum in Polonos? Quia verendum est, ne Respubl. Polona par
sit Moschis Cosacisq; & succumbat, & ne latus illud Germaniæ,
populis istis barbaris, detegeretur: ergo oportuit Suecos Polo-
niam occupare, ne hoc fieret. Quæ ratio consequentiæ? Dic
mihi, quæso, Germania ne Regis tui opem imploravit, aut Im-
perator, aut Electores, missa legatione, Regem tuum sollicita-
runt, ut hanc expeditionem contra Polonos in commodum
Germaniæ susceperet? Non eris credo tam effrons, ut hoc as-
severare velis. Vix te germanum puto, quod ex amore Patriæ
hæc scribas nec mihi persuadere possū, quod si es in Teutscher/
sed potius eliso. in Teutscher, & quod facum facere velis Ger-
manis, ut in justum hoc bellum approbent. Sed norunt Ger-
mani Vos Suecos, nō liberatores, sed oppressores experti sunt.
Nec est quod metuant Germani à Moschis aut Cosacis. Nam
Moschi de occupanda Germania ne somniarunt quidē, multò
minus Cosaci, quiq; nunquam tantam cladem Poloniæ intule-
runt, quam brevi spacio Sueci. Hoc potissimum dicendum est,
Suecos de nudas se latera Christianitatis, dum Poloniā, quæ antemu-

vale

valecrat, nō tantum Germania, sed totius Christianitatis, contra Turcas & Tartaros, vastarunt. Prudenter adnotat Kobiercius, Castellanus Gedanensis in historia sua Vladislai Principis, Quendam Solimanno Turcarum Imperatori hoc consilium dedisse: Ad occupandum Europæ Imperiū, Christianosq; edomandos nullā potentiorē portā Polonia Regno. Multum ergo Succis debet Europa, quod Portā illā dejecerint, ut liber Turcis pateat aditus in Europam.

Dum tam multis debilitatas vires Poloniæ, & militiam illorum describis, ad Starovolscium testem adhibes, inanem ludis operam. Nam quid hoc ad probandam iustitiā armorum Suecicorum facit? Et si impares fuerunt Poloni Moschi & Cosacis, Tui, si Christiani esse volunt, iuvare illos debebant, nō opprimere quā impares. Sed si verum dicere voluisses, & potissimā rationē belli huius Suecici nominare, dixisses, hanc præcipuam causam esse, quod Sueci hac confusione in Polonia & imbecillitate armorum Polonicorum uti volebant, ut illos absq; magna difficultate opprimerent. Ingressi sunt abq; ulia resistentia Poloniā, multa perfidia quorundam, nō sua virtute, occuparunt. Sed gaudet fortuna lætis tristia substituere, & utraq; miscere. Nunc illa vestra fælicitas vos forte perdet. Sic segetem nimia sternit ubertas; sic rami onere franguntur; sic ad maturitatem non pervenit nimia fæcunditas, & vos nimia fælicitas rumpet.

Causam Cosacorum agis, sed noli te quæ so immiscere rei ad te non pertinenti. Nec profecto aperto Marte hætenus tuta fuerit Polonia, etiā impofterum par fortuna speranda, ut dicis. Imo sperari illa nō potest, postquā virtus prisca militaris multum adeo mutavit, ut potissimum militem suum Polonia hodie experiatur hostem, ut tu credis. Sed scias velim jam non hostē militem illum, nempe Cosacos, Poloniam habere, sed amicum & subditum, Tuq; illum brevi experieris hostē. Et si Osmani Turcici Imperatoris copias, quæ trecentis millibus cōstabant, non numeratis centum millibus Tartarorum, quos Dziambek Gereius Regulus contra Polonos eduxerat An. M. DC. XX. Poloni, Osmanum adversis bellorum, irritaq; Castrorum obsidi-

one.

one fatigatum, ad pacem inclinare coëgerunt, (ut Kobierzitius fol. 795 historiæ suæ testatur) cur non & Suecos multo minores viribus & potentia domare possent? Resument Poloni animos, sed malo vestro, jamq; incipiūt, graioresq; Suecis erunt, quam putarant. *Injusta arma*, scribit Piasci is tuus f. 385. *nō raro in auctores recidunt, & horrendo quodā Judicio Dei, qui aliena ever-
tunt jura, serò fortè, sed aliquando tandem propria quoq; perdunt.*

Mores Morbosq; Reipubl. Polona fusè describis, & tetegis, sed te non postulant Medicum, & si illos à morbis istis curare velles, non adhibere debebas remedia, morbis pejora. Nimum ferrograssis, ut in desperatis morbis, & contributionibus extremum sanguinem emittis, nimiumq; crebrò ista medicamēta tentas ut non possit vulnus ad cicatricem venire. Sed ut interdum illi, qui medicum vident, non tam curam agere sanitatis, quam mortem accelerare velle, cum ignominia, & interdū fustibus abigunt, sic vereor ne & his Medicis eveniat.

Evangelicus persuadere vis, ut Suecis se adjungant. Frustr laboras. Norunt illi artes Sueticas, sciumq; Suecos semper Religionem prætere, & nihil minus, quam illam, promovere. Testis est Germania, ubi nunquam Evangelici plura perpeffi sunt, (jurenè an injuria non dico) quam postquam Sueci illorum defensionem vel quasi susceperunt, & cum maximè libertatem Religionis illorum procurare debebāt, in pacificatione Münsteriensi, eam neglexerunt, majoremq; illos opprimendi libertatem Imperatori concesserunt, quam unquam habuit. Evangelici quoq; malunt cum fratribus suis Catholicis pacatè vivere, quam jugum Sueticum subire.

Multa invidiosa contra *Catholicos* profers, sed cui bono; Libertatem Religionis, Catholicis Sueci promittunt, & per pacta cum Lithvania, majori Polonia, Cracovia quoq; stipulati sunt. Siming sincerè causam tuorum corrumpis, quod detegis, quo animo sint in Catholicos. Sed considera quæso nos omnes Christianos esse nec tuum esse de his judicare. Præstaret ut tam moderatum de illis ferres Judicium, quale Doctissim⁹ *Grotius* Sue-

cizæ tuæ fidelis Minister, qui in literis suis ad amicum Lutetia-
xix. Januarii Anno M. DC. XLI. scriptis, sic inquit; *Puto fieri pos-*
se, ut aliquando contingat Ecclesia Papa, qui ad munus suum pertine-
re existimet, disruptas partes in suum restituere corpus. Sed quamdiu
pro certo habetur, omnes Papas ad finem usq; mundi fore AntiChri-
stos homines peccati, filios perditionis, omnes qui in eosunt grege &
Idolatrae, hostes divinae gratiae, qui meritum Christi funditus ever-
tant, nihil pacatum sperari potest.

BONO GERMANIÆ susceptum hoc esse bellum Sueticum dicis, sed
mihi non persuades, nec ulli sanioris iudicii persuadebis. Nam in gratiam
Catholicorum in Germania, non dices, quia Imperatorem & omnes Ca-
tholicos in Germania Sueci offendunt, dum Regnum Catholicum infe-
stant, unde jam sœdus contra illos meditantur. Si in gratiam Evangeli-
corum, valde erras. Nam contra illos magis irritabuntur Catholici, cre-
dentes hæc ipso rum instinctu agi. Norunt enim illi Suecorum axiomata,
sciuntq; damnosum exitum belli Germanici. Ita neutrius commoda
tui promovent, tantum sua. Non tam inimicus debebas Catholicis esse,
cum Christina Regina quondam tua, jam Catholicæ Religioni se totam ad-
dixerit, in cuius gratiam tanti habentur Romæ Triumpho, de quibus qui-
dam appositè,

Et nunc Barbaricos miratur Roma Triumphos,
Gaudesq; inventa, Tu bene Pastor, ovem
Ab nimium partis exultas Roma Trophæis,
Quæ lucrari ovem, sed pereunte grege.

Sed eò magis miror te tam infenso esse animo in Catholicos, cum Evan-
gelicos eodem habeas loco. Prussiam Ducalem ubi pauci sunt Catho-
lici, maxima pars Evangelici, æq; vastarunt Sueci, tantaq; isti Provinciæ in-
gulerunt damna, quanta iis in locis Poloniæ, ubi nullus reperitur Evan-
gelicus, Non Religionem sed regionem appetitis. Hic Scopus vester, ad
quem collimatis.

Quid merita est CIVITAS GEDANENSIS, fidelissima Regi suo?
Hæc verò tota Evangelica, pauciq; in ea sunt Catholici ibinè vis Evan-
gelicam promovere Religionem, quæ ibi summum obtinet locum? No-
tuas Athenas portablis.

Sed forte imperio tuo illam velles adicere, PAR LA BIEN SEAN-

GE. Illa ne fregit Inducias? illa ne contra cautionem datam ullam Clas-
sem contra Suecos è portu suo eduxit? Minimè. Cur ergo tui classe illam
cingunt, cum commercia adimunt, bona ipsorum diripiunt, & hostiliter
tractant? Meminisse debebant Sueci, quondam Carolum Regem Sue-
ciæ, cum à Christierno Rege Danicæ & perfidis suis subditis ex Regno e-
jectus esset, nullibi tutiorem, nec magis amicum habuisse locum, quò se
conferret, quam Gedanum, ubi magno cum honore Anno M. CCCC.
LVII. tempore Bachanaliorum exceptus fuit, ut testatur Schutzius in hi-
storia Borussicæ fol. 257. Ubi legere poteris, Dantiscanorum propensio-
nem in eundem Regem Sueciæ, qui quoq; in favorem ipsius, tam ad Or-
dines sueciæ, quam ad Civitates Anseaticas scribebant, illisq; persua-
bant, ut Regi auxilia ferrent. Deniq; Gedanenses eundem Regem Sue-
ciæ Carolum, post expulsos Danos navibus suis in Sueciam comitati sunt,
cujus beneficii se semper memorem gratumq; fore promisit. Cæteræ Ci-
vitates Borussicæ Regalis totaq; Provincia anne Suecos, aut Regem Caro-
lum Gustavum offenderunt, anne causam occupandæ Provinciæ dede-
runt? Neutiquam. Tam multi ad summam paupertatem per Suecos re-
ducti, vindictam apud DEum, perpetuis lachrymis suis poscunt, cælumq;
penetrant. Noli, mi Thrasymache, huic felicitati nimium fidere. Momen-
to mare vertitur, eodem die, ubi luserunt navigia, forbentur.

Rides Orationem Przyemsky Legati Regis Poloniæ, sed nulla de
causa, fortè jam tempus imminet, quo Sueci re ipsa experientur, *distin-
ctissima hac esse regna, divisis se naturam mari, diffocias se constitu-
tione Imperii & Religione, discrepare legibus, moribus, habitu, lin-
gua, in nullo sibi populos hosce esse similes nisi ferocia, discordiarum
omnium fomites.* Hoc fortè Suecos Tuos perdet, quod nimium gra-
vibus contributionibus Polonos, qui quidem non totam libertatem, at
nec servitutem pati possunt, premunt, Didicistis hoc ab Alexandro Ma-
gno qui cuidam Civitati partem agrorum, & dimidium rerum omnium
promittenti: *Eo inquit proposito veni in Asiam, non ut acceperem,
quod dedissetis, sed ut id haberetis, quod reliquissetis.*

At dicis occasione utendum, *habemus validum exercitum,
habemus Regem artes bellicas callentem. Fateor, Rex Sueciæ Ca-
rolus Gustavus nil nisi arma spirat, Martiusq; planè est, & à prime juvenia
felicitè belli gerendi artes à Torstensonio Bellatore laudatissimo, cujus
perpetuus comes fuit, didicit. Verum & hæ artes fallunt. Verendum est,*

neq;

ne dum nimismagno seruire in Polonos irruit, & felicitati sue nimis fi-
dit, idem illi accidat quod Alexandro Magno. Qui cum jam in India va-
garetur, & gentes, ne finitimis quidem satis notas, bello vastaret, in obli-
dione cuiusdam Urbis, dum circuit muros, & dum imbecillissima mentem
quærit, sagitta ictus diu perfidere & incepta agere perseveravit. De-
inde cum represso sanguine, sicci vulneris dolor cresceret, & crus, equo
suspensum, paulatim obtorpuisset, coactus subsistere: Omnes, inquit, ju-
rant me Jovis esse filium, sed vulnus hoc hominem me esse clamat. Noli
nimium irritare Polonos, nequis reperiatur Mutius, & ne rursum arma
caplant, & excussa torpedine, solitam pugnandi alacritatem resumant,
cogitentq; & post malam segetem ferendum esse, & quod sæpe quidquid
perierat, assidua in felicitis soli sterilitate, unius anni restituere possit uber-
tas.

Turcas suspectam habere potentiam Suecorum, & quod Constan-
tinopoli trepidetur ad hanc potentiam dicis, & quod non major fue-
rit vis Alexandri, qua Persis superatis omnem Asiam domuit, & quod
in illis ab Pontum locis Gothi quondam Macedoniam, Græciam & Asi-
am populati sint. Gratulor Regi tuo, quod illum Turcæ reformident:
ex animoq; gratularetur, ut Constantinopolim, quondam Christianis a-
demptam, à Turcis recuperaret, suiq; Imperii faceret. Ominoso certe
est anagramma Theologi cuiusdam Thorunienfis, in Regem Sueciæ:
quod ex nomine ipsius feliciter composuit. SUECUS TURCAS RE-
GIS AULA EXUO. Utinam exueret, Poloniæq; Pacem baud ruitaret.
Hoc ipsi gloriosam, totiq; Christianitati utile foret,

Antequam finis, hoc Te monendū cenſeo, SUECOS NON ESSE IL-
LOS GOTHOS, qui Italiam, Hispaniam, ut tu putas, occuparunt, &
gentem Spalorum victricibus armis superarunt. Audi quid hac de re Pia-
secius sæpe laudatus Tibi familiaris autor dicat sol. 56. *Gothi illi bellicosi*
sive Gethæ an sint censendi inter gentes Sarmaticas aliis discutiendū
relinquo, unicum tamen admoneo, quod veterum Historicorum re-
centiorum in rebus antiquis, nisi nitantur antiquorum testimonio,
parva fides) nullum uspiam memorat, eos ex Suecia prodiisse, vel ibi
sedē cōmerciūve aliquod ūquā habuisse, sed cōcordi sētētiaōnes pra-
sertim Oſorii Hist. lib. 1. c. 2 refert: Gothorū sedes esse cōsignas Alanis
& Dacū propè Pontū Euxinū, & Istrum consistētibz, & Procopiū &
Jornandes de Rebus Gothicis asserunt, eos ex finibus Asia à Tanai &
oli

